

**Bosna i Hercegovina
Federacija Bosne i Hercegovine
Federalno ministarstvo energije, rudarstva i industrije
Mostar**

**Program
utroška dijela sredstava utvrđenih u razdjelu 17. Budžeta Federacije
Bosne i Hercegovine za 2014. godinu Federalnom ministarstvu
energije, rudarstva i industrije „Izdaci za finansijsku imovinu –
Ostala domaća pozajmljivanja”**

(Kreditiranje pod povoljnim uslovima u poplavljenim područjima)

Mostar, juni 2014. godine

1. UVOD

Usljed obilnih kiša i padavina koje su prouzrokovale izlivanje rijeka i potoka iz svojih korita te izazvale plavljenje velikog broja infrastrukturnih objekata, zemljišta i proizvodnih postrojenja, Vlada Federacije Bosne i Hercegovine je donijela Odluku o proglašenju stanja prirodne i druge nesreće na području Federacije Bosne i Hercegovine V. broj: 870/2014 („Službene novine Federacije BiH“, broj 37/14) i utvrdila prijedlog izmjena i dopuna Zakona o izvršenju Budžeta Federacije Bosne i Hercegovine za 2014. godinu („Službene novine Federacije BiH“, broj 45/14), s ciljem izdvajanja sredstava za ublažavanje šteta nastalih na privrednim subjektima usljed poplava.

1.1. Stanje industrije u Federaciji Bosne i Hercegovine

Prerađivačka industrija Federacije Bosne i Hercegovine se susreće sa brojnim ograničenjima, kao što su manjak stručnih kadrova, zastarjelost opreme i nedostatak programskih rješenja. Privredna društva u Federaciji Bosne i Hercegovine uglavnom koriste tradicionalnu tehnologiju te zaostaju za primjenom savremenih i inovativnih tehnoloških rješenja, što umanjuje njihovu konkurentnost. U proizvodnim procesima manje se primjenjuju savremeni koncepti i tehnike menadžmenta poslovanja. U većoj mjeri treba posvetiti pažnju ocjeni proizvodnih učinaka po aktivnostima, kao i sistemima upravljanja kvalitetom.

Privrednici relativno slabo sarađuju sa svojim okruženjem. Najizraženija je proizvodna saradnja i saradnja u prodaji i distribuciji, dok je najslabija saradnja u istraživanju i razvoju s drugim preduzećima i u obrazovanju. Potrebno je intenzivirati saradnju u aktivnostima istraživanja i razvoja te ostvariti sinergijske učinke u smislu podjele troškova istraživanja i razvoja.

Najvažnije aktivnosti za poboljšanje poslovanja su razvoj novih proizvoda, poboljšanje postojećih proizvoda te inovacije tehnoloških procesa.

U uslovima kada su sve zemlje članice EU ratifikovale Sporazum o stabilizaciji i pridruživanju između Evropskih zajednica i njihovih država članica, sa jedne strane, i Bosne i Hercegovine, s druge strane (SSP), i kada se očekuje njegova potpuna primjena, industrijskoj proizvodnji u Federaciji Bosne i Hercegovine, odnosno Bosne i Hercegovine, neophodni su procesi tržišnog privređivanja, finansijskog, kadrovskog i organizacijskog prilagođavanja s ciljem podizanja tehničko- tehnološkog razvoja i povećanja konkurentnosti proizvoda.

2. PRAVNI OSNOV

- Odluka Vlade Federacije Bosne i Hercegovine, V. broj: 870/2014 od 15.05.2014.godine, o proglašenju stanja prirodne nesreće na području Federacije Bosne i Hercegovine uzrokovane obilnim kišnim padavinama koje su prouzrokovale poplave na području Federacije Bosne i Hercegovine („Službene novine Federacije BiH“, broj 37/14).
- Projekt - dokument: Razvoj industrijske politike u Federaciji Bosne i Hercegovine, usvojen od strane Parlamenta Federacije Bosne i Hercegovine („Službene novine Federacije BiH“, broj 40/10);

- Izmjene i dopune Akcionog plana za realizaciju projekta „Razvoj industrijske politike u Federaciji BiH“ 2011-2015. („Službene novine Federacije BiH, broj 4/14);
- Strategija razvoja industrije tekstila, odjeće, kože i obuće u Federaciji Bosne i Hercegovine za period 2013-2023. godine („Službene novine Federacije BiH”, broj 65/13);
- Akcioni plan 2013-2018. godina za realizaciju Strategije razvoja industrije tekstila, odjeće, kože i obuće u Federaciji Bosne i Hercegovine za period 2013-2023. godine;

3. ZAKONODAVNI OKVIR

- Zakon o Budžetima u Federaciji Bosne i Hercegovine („Službene novine Federacije BiH“, broj 102/13),
- Budžet Federacije Bosne i Hercegovine za 2014.godinu („Službene novine Federacije BiH“, br. 99/13 i 45/14),
- Zakon o izvršavanju Budžeta Federacije Bosne i Hercegovine za 2014.godinu („Službene novine Federacije BiH“, br. 99/13, 31/14 i 45/14)

4. CILJ PROGRAMA

Cilj programa je odobravanje namjenskih kreditnih sredstava privrednim društvima sa teritorije sljedećih kantona: Unsko-sanskog, Zeničko-dobojskog, Posavskog, Tuzlanskog, Srednje-bosanskog i Sarajevskog koja su pogođena poplavama i koja su pretrpjela štetu, kao i ostalim privrednim društvima koja su indirektno pretrpjela štetu od elementarnih nepogoda, usljed poremećaja robnih tokova i poslovnog ambijenta na tržištu Federacije Bosne i Hercegovine. Predviđeno je da se ova kreditna sredstva utroše za osiguranje uslova koji će rezultirati nastavkom rada i očuvanjem radnih mjesta u privrednim društvima.

Očekivani efekti Programa utroška sredstava utvrđenih u razdjelu 17. Budžeta Federacije Bosne i Hercegovine za 2014. godinu Federalnom ministarstvu energije, rudarstva i industrije „Izdaci za finansijsku imovinu – Ostala domaća pozajmljivanja” (u daljem tekstu: Program) su:

- sanacija posljedica izazvanih prirodnom nesrećom;
- nastavak rada privrednih društava;
- očuvanje radnih mjesta.

5. NAMJENA POZAJMLJENIH SREDSTAVA

Na osnovu ovog Programa pozajmiti će se sredstva sljedećim sektorima industrijske proizvodnje:

- Metalna, elektro i automobilska industrija,
- Građevinska industrija,
- Drvena i papirna industrija,
- Proizvodnja tekstila, odjeće, kože i obuće,
- Hemijska industrija i industrija gume i plastike i

6. PROGRAM POZAJMLJIVANJA SREDSTAVA I MJERE

Program pozajmljivanja sredstava će se vršiti kroz sljedeće mjere:

MJERA 1.

Sanacija šteta i nastavak rada privrednih društava

Pozajmljivanje sredstava vrši se za podsticanje ulaganja u:

- Sanacija, rekonstrukcija i izgradnja postojećih i novih proizvodnih, skladišnih i poslovnih objekata,
- Popravka i /ili nabavka mašina, postrojenja i oprema za proizvodnju i informatičke opreme usmjerene ka proizvodnji itd.,
- Značajnije aktivnosti na osnovu promjene sveukupnog proizvodnog procesa i stanja postojeće poslovne djelatnosti društva (reinžinjeriing)

MJERA 2.

Pozajmljivanje za finansiranje uplate za PIO

Pozajmljivanje po ovoj mjeri vrši se za izmirenje dugovanja privrednog društva za neuplaćene doprinose samo po osnovu PIO, zaposlenicima koji su u privrednom društvu koje aplicira za Mjeru 2., stekli uslove za odlazak u penziju, najkasnije do kraja godine za koju se donosi Program.

7. KRITERIJI ZA IZBOR KORISNIKA SREDSTAVA ZA POZAJMLJIVANJE

Mjera 1.

Pozajmljivanje sredstava po ovom Programu znači kredit obezbijeđen putem Union banke d.d. Sarajevo (u daljem tekstu: Banka), regulisan ugovorom o kreditu po kamatnoj stopi ispod tržišne, sa odgodom plaćanja („grace“ periodom) od 2 godine i maksimalnim brojem do 48 mjesečnih rata, te eventualne mogućnosti dobivanja grant sredstava (oprosta određenog broja zadnjih rata) u visini od 20% od glavnice pozajmljenih sredstava, ukoliko se sve obaveze uredno servisiraju na način, u iznosu i u vremenu predviđenom ugovorom.

Pozajmljivanje sredstava prema ovome Programu utroška sredstava utvrđenih u razdjelu 17. Budžeta Federacije Bosne i Hercegovine, može biti odobreno:

- privrednim društvima koja su pretrpjela štetu izazvanu poplavama a čije je sjedište i stradali objekti sa područja Unsko-sanskog, Zeničko-dobojskog, Posavskog, Tuzlanskog, Srednje -bosanskog i Sarajevskog kantona;
- privrednim društvima sa sjedištem u Federaciji Bosne i Hercegovine čija je primarna djelatnost definisana djelatnostima proizvodnje u sektorima navedenim u tački 5. ovoga Programa,
- ako zapošljavaju najmanje 20 zaposlenika

Prednost prilikom dodjele kreditnih sredstava imaju privredna društva koja su pretrpjela direktnu štetu od elementarnih nepogoda.

Kao posebni kriteriji uzimati će se u obzir sljedeće:

- stepen oštećenja po dostavljenoj procjeni,
- ravnomjerna teritorijalna zastupljenost po ugroženim kantonima,
- broj zaposlenika,
- visina investicije i ulog vlastitog kapitala u investiciji,
- dužina poslovanja

Mjera 2.

Pozajmljivanje sredstava po ovom Programu znači kredit obezbijeđen putem Banke, regulisan ugovorom o kreditu po kamatnoj stopi ispod tržišne, sa odgodom plaćanja („grace“ periodom) od 1 godine, maksimalnim brojem do 60 mjesečnih rata, te eventualne mogućnosti dobivanja grant sredstava (oprosta određenog broja zadnjih rata) u visini od 10% od glavnice pozajmljenih sredstava, ukoliko se sve obaveze uredno servisiraju na način, u iznosu i u vremenu predviđenom ugovorom.

Pozajmljivanje sredstava prema ovome Programu utroška sredstava utvrđenih u razdjelu 17. Budžeta Federacije Bosne i Hercegovine, može biti odobreno:

- privrednim društvima sa sjedištem u Federaciji Bosne i Hercegovine čija je primarna djelatnost definisana djelatnostima proizvodnje u sektorima navedenim u tački 5. ovoga Programa,
- ako zapošljavaju najmanje 40 zaposlenika.

Korisnici ne mogu biti privredna društva:

- u stečaju, osim privrednih društava u stečaju u kojima se vrši restrukturiranje (što se dokazuje odgovarajućim dokumentom),
- u postupku likvidacije,
- koja imaju nepodmiren dug prema federalnim i državnim institucijama, osim ako isti nije reprogramiran važećim dokumentom i ako ovim Programom nije drugačije definisano (ova tačka se ne odnosi na privredna društva koja apliciraju za Mjeru 2.),
- kojima je zatražen povrat dosadašnjih podsticaja,
- koja ne ispunjavaju uslove za otvaranje transakcijskog računa kod Banke,
- koja bez prekida posluju kraće od 6 mjeseci i/ili ne posjeduju zvanične finansijske izvještaje,
- koja imaju iskazan gubitak iznad visine kapitala prema posljednjem zvaničnom bilansu stanja i
- koja prema CRK izvještaju Centralne Banke BiH imaju tekuće plasmane u finansijskim institucijama u kategoriji lošijoj od B (osim u slučaju da obezbijede dokaz o urednom izmirivanju obaveza).

8. SREDSTVA PREDVIĐENA ZA POZAJMLJIVANJE

Sredstva za provođenje ovog Programa obezbijeđena su u Budžetu Federacije Bosne i Hercegovine za 2014. godinu.

Navedena sredstva za Mjeru 1. su kreditnog karaktera, sa:

- odgodom plaćanja („grace“ periodom) od 24 mjeseca,
- godišnjom kamatnom stopom u visini 0,9% i
- naknadom za obradu kredita-jednokratno u visini 0,6%.

Navedena sredstva za Mjeru 2. su kreditnog karaktera, sa:

- odgodom plaćanja („grace“ periodom) od 12 mjeseci,
- godišnjom kamatnom stopom u visini 0,9% i
- naknadom za obradu kredita-jednokratno u visini 0,6%.

Navedene troškove snosi korisnik sredstava, kamata predstavlja prihod komitenta, a naknada predstavlja prihod Banke.

Naplaćena kamata u konačnici predstavlja naknadu Banci za komisioni posao.

Naknada za obradu kredita se plaća unaprijed iz odobrenih kreditnih sredstava korisnika u visini 0,6%.

Dodijeljena sredstva korisnici vraćaju u maksimalno 48 mjesečnih anuiteta za Mjeru 1., i 60 za Mjeru 2., što zavisi od visine dodijeljenih sredstava. Početak povrata kredita, dinamika vraćanja, kao i drugi bitni elementi kredita bit će definisani ugovorom.

Dodijeljena sredstva isključivo će se isplaćivati na račune korisnika kredita kod Banke, čime će se omogućiti i kontrola utroška dodijeljenih sredstava, osim ukoliko se radi o sredstvima iz Mjere 2. ovog Programa i uz saglasnost Federalnog ministarstva energije, rudarstva i industrije (u daljem tekstu Ministarstva), odnosno ukoliko je Ministarstvo uvažilo okolnosti zbog kojih račun u Banci ne može biti otvoren.

Sredstva za provođenje ovog Programa odobravati će se u visini novčanih sredstava, na način kako je to dato u Tablici broj 1. za Mjeru 1. i Tablici broj 2. za Mjeru 2.

Tablica broj 1.

Redni broj	Visina dodijeljenih sredstava u KM	Odgoda plaćanja (grace period) u mjesecima do	Broj anuiteta vraćanja sredstava ¹	Kolateral ²
1.	20.000,00 – 100.000,00	24	24	Zalog na nekretnine i pokretne stvari
2.	100.001,00 – 200.000,00	24	25 - 30	
3.	200.001,00 – 300.000,00	24	31 - 40	
4.	300.001,00 – 400.000,00	24	41 - 48	

Privredna društva koja imaju od 20 do 40 zaposlenih mogu aplicirati za kredit do 200.000,00 KM, a privredna društva koja imaju više od 40 zaposlenih mogu aplicirati za kredit do 400.000,00 KM.

Tablica broj 2.

Redni broj	Visina dodijeljenih sredstava u KM	Odgoda plaćanja (grace period) u mjesecima do	Broj anuiteta vraćanja sredstava
1.	20.000,00 – 50.000,00	12	24
2.	50.001,00 – 100.000,00	12	25 - 36
3.	100.001,00 – 150.000,00	12	37 - 48
4.	150.001,00 – 200.000,00	12	49 - 60

¹ U broj anuiteta se ne uračunava grace period

² Pored mjenica

Vrijednost nekretnina koje se uzimaju kao kolateral mora biti minimalno 1,5:1 u odnosu na iznos kredita.

Vrijednost opreme koja se uzima kao kolateral mora biti minimalno 3:1 u odnosu na iznos kredita.

Ukoliko je namjena kredita nabavka pokretnih stvari, obavezno je da iste zalažu, kao dodatni kolateral, bez obzira na ostale vrste kolaterala.

Broj anuiteta vraćanja sredstava i za Mjeru 1 i za Mjeru 2 određivat će se proporcionalno dobijenim sredstvima, u skladu sa podacima iz Tablice broj 1. i Tablice broj 2.

Privrednim društvima, koja blagovremeno vrše povrat dobijenih sredstava, Ministarstvo na njihov zahtjev, može predložiti Vladi Federacije Bosne i Hercegovine donošenje odluke o oslobađanju povrata ostataka duga u iznosu od 20% za Mjeru 1., odnosno 10% za Mjeru 2. od glavnice.

Zakonom o izmjenama i dopunama Zakona o izvršenju Budžeta Federacije Bosne i Hercegovine za 2014. godinu („Službene novine Federacije BiH, br. 99/13, 31/14 i 45/14) Ministarstvu je u razdjelu 17. na poziciji, „Izdaci za finansijsku imovinu - Ostala domaća pozajmljivanja”, obezbijeđeno ukupno sredstava u iznosu od 7.600.000,00 KM, koja će se rasporediti ovim Programom.

Sredstva su predviđena za provođenje Programa iz tačke 6. odnosno za Program podsticaja razvoja i jačanje konkurentnosti, u cjelokupnom iznosu.

Od cjelokupnog iznosa raspoloživih sredstava, za realizaciju Mjere 1. predviđeno je ukupno 6.600.000,00 KM, s tim da će se raspodjela izvršiti na način kako je to prikazano u Tablici broj 3.

Tablica broj 3.

SEKTORI INDUSTRIJSKE PROIZVODNJE	PREDVIĐENA SREDSTAVA U KM
Metalna, elektro i automobilska industrija	1.700.000,00
Građevinska industrija	900.000,00
Drvena i papirna industrija	1.800.000,00
Proizvodnja tekstila, odjeće, kože i obuće	1.200.000,00
Hemijska industrija i industr. gume i plastike	1.000.000,00
UKUPNO u KM	6.600.000,00

Od cjelokupnog iznosa raspoloživih sredstava za realizaciju Mjere 2., predviđeno je ukupno 1.000.000,00 KM.

9. TRAJANJE PROGRAMA

Obaveza realokacije kreditnih sredstava sa pozicije 8226 – „Ostala domaća pozajmljivanja“ utvrđenih u razdjelu 17. Budžeta Federacije Bosne i Hercegovine za 2014. godinu Ministarstvu, na račun namjenskog depozita kod Banke, traje u skladu sa Zakonom o izvršenju Budžeta Federacije Bosne i Hercegovine („Službene novine Federacije BiH“, br. 99/13 i 45/14).

10. TIJELA NADLEŽNA ZA PROVOĐENJE PROGRAMA

Tijela nadležna za provođenje i nadzor nad namjenskim korištenjem sredstava po ovom Programu su Ministarstvo, Federalno ministarstvo finansija i Banka, svako u

okviru svoje nadležnosti, u skladu sa Ugovorom o komisionim poslovima zaključenim između Ministarstva i Banke.

Ministarstvo ima pravo uvida i kontrole u postupku provođenja odobrene investicije na lokaciji korisnika.

U svrhu kontrole namjenskog korištenja dodjeljenih sredstava korisnik je dužan provesti odobrenu investiciju u cijelosti, te dostaviti Ministarstvu Izvještaj o provođenju odobrene investicije sa prikazom očekivanih učinaka investicije, i to najkasnije do 6 mjeseci nakon dodjele sredstava.

11. PROVOĐENJE PROGRAMA

Sredstva se dodjeljuju na osnovu raspisanog Javnog poziva u kojem će se jasno definisati uslovi za prijavu na Javni poziv, kriteriji za vrednovanje privrednih društava, način razmatranja prijava kao i spisak potrebne dokumentacije koju je potrebno priložiti uz zahtjev za dodjelu sredstava, a prema sljedećem rasporedu:

- Dokumentacija na obrascima Banke:
 - Zahtjev za kredit,
 - Karton deponovanih potpisa,
 - Popunjen upitnik o povezanim licima,
 - Saglasnost za pristup podacima iz centralnog registra kredita,
 - Izjava ovlaštenog lica o nepostojanju računa nad kojim je određena mjera zabrane raspolaganja novčanim sredstvima*,
 - Pregled postojećih kreditnih obaveza sa informacijama o namjeni i obezbjeđenju* i
 - Poslovni plan koji uključuje i plan investiranja sa efektima utroška sredstava*.

- Dokumentacija potencijalnih Korisnika kredita:
 - Rješenje o registraciji,
 - Aktuelni izvod iz u sudskog registra (ne stariji od 30 dana),
 - Statut i odluka/akt o osnivanju,
 - Uvjerenje o poreznoj registraciji kod Porezne uprave – ID broj,
 - Uvjerenje o registraciji obveznika poreza na dodatnu vrijednost – PDV broj,
 - Obavještenje nadležnog zavoda za statistiku o razvrstavanju prema djelatnosti,
 - Uvjerenja nadležne organizacione jedinice Porezne uprave/UINO da nema neizmirenih obaveza po osnovu javnih prihoda*,
 - Identifikacioni dokument osnivača,
 - Lične karte i CIPS potvrde o prebivalištu lica ovlaštenih za zastupanje,
 - Zvanični finansijski izvještaji za posljednje tri godine (ukoliko je privredno društvo osnovano u periodu koji je kraći od tri godine, dostaviti finansijske izvještaje za cjelokupni period poslovanja),
 - Analitički bruto bilans na posljednji dan prethodnog mjeseca u odnosu na dan podnošenja zahtjeva za kredit,
 - Pregled potraživanja od kupaca na posljednji dan prethodnog mjeseca u odnosu na dan podnošenja zahtjeva za kredit,
 - Pregled obaveza prema dobavljačima na posljednji dan prethodnog mjeseca u odnosu na dan podnošenja zahtjeva za kredit,

- Dokumentacija u vezi sa imovinom koja se nudi kao obezbjeđenje kredita: procjena sudskog vještaka (ne starija od šest mjeseci) i ZK izvod/izvod iz registra zalogu (ne stariji od 30 dana)*,
- Spisak zaposlenika iz matične evidencije aktivnih osiguranika, izdat od strane nadležne službe ne stariji od 30 dana od dana podnošenja zahtjeva (min. 20 zaposlenika za Mjeru 1. i 40 zaposlenika za Mjeru 2.),
- Procjena štete izvršena od strane osiguravajuće kuće ili od općinskog organa nadležnog za sačinjavanje procjene štete(samo za privredna društva koja su pretrpjela direktnu štetu od elementarnih nepogoda),
- Ostala dokumentacija u skladu sa zahtjevima Banke i/ili Ministarstva, kao i dokumenti za koje klijent smatra da su interesantni za Banku.

Svi traženi dokumenti trebaju biti originali ili ovjerene kopije ne starije od 30 dana od dana podnošenja kreditnog zahtjeva.

NAPOMENA: Privredna društva koja apliciraju za dodjelu kreditnih sredstava iz tačke 6. podtačka 2. ovog Programa, dužna su uz navedenu dokumentaciju dostaviti spisak zaposlenika koji su ostvarili uslove za odlazak u penziju/mirovinu usaglašen sa podacima iz Federalnog Zavoda PIO, sa datumom sticanja tog prava (najkasnije do 31.12. 2014. godine) i iznosom duga samo po osnovu PIO, ovjeren i potpisan od strane nadležne osobe privrednog društva i Federalnog Zavoda PIO.

Privredna društva koja apliciraju za dodjelu kreditnih sredstava iz tačke 6 podtačka 2. ovog Programa, nisu obavezna dostaviti dokumentaciju označenu sa *.

Prilikom formiranja liste korisnika uzimati će se u obzir najraniji datumi sticanja prava na penziju.

Pismeni zahtjev za kredit sa ostalom potrebnom dokumentacijom po Javnom pozivu, uvezan i poredan po tačkama Javnog poziva, podnosi se Ministarstvu na memorandumu društva, potpisan od strane ovlaštenog lica sa preciznom namjenom sredstava kredita, iznosom i rokovima otplate kredita, te sa naznakom iz kojeg se industrijskog sektora traže sredstva (Metalna, elektro i automobilska industrija; Građevinska industrija; Drvena i papirna industrija; Proizvodnja tekstila, kože i obuće; Hemijska industrija i industrije gume i plastike, Namjenska industrija).

Zahtjevi za kreditna sredstva koji su veći od maksimalnog predviđenog iznosa iz Tablice br.1. i br. 2. po Javnom pozivu, smatrati će se formalno neispravnim i neće se uzeti u razmatranje.

U cilju provođenja postupka dodjele sredstava na osnovu podnesenih zahtjeva, federalni ministar energije, rudarstva i industrije imenovat će Komisiju, koja se sastoji od pet članova, i to tri člana iz Ministarstva (Sektor industrije, Sektor za pravne i ekonomske poslove i Federalna direkcija namjenske industrije) i po jedan promjenljivi član iz Udruženja poslodavaca Federacije Bosne i Hercegovine i granskog sindikata koji se imenuju iz odgovarajućeg industrijskog sektora, u zavisnosti od toga u koji industrijski sektor spada djelatnost koju obavlja podnosilac zahtjeva za kredit.

Radu Komisije, na zahtjev iste, mogu prisustvovati i predstavnici Banke.

Komisija će, nakon okončanog Javnog poziva, izvršiti pregled pristiglih zahtjeva za dodjelu sredstava, s ciljem utvrđivanja formalne ispravnosti istih.

Komisija može zatražiti od privrednog društva (i po Mjeri 1. i po Mjeri 2.) dodatna pojašnjenja i dodatnu dokumentaciju.

Lista formalno ispravnih zahtjeva za dodjelu sredstava sa pripadajućim priložima, putem Ministarstva, biće dostavljena Banci na ocjenu rizika (za Mjeru 1.).

Nakon što Ministarstvu bude dostavljeno mišljenje Banke o bonitetu podnosilaca zahtjeva, Komisija će na osnovu Programom utvrđenih kriterija i svojih internih akata, izvršiti konačnu procjenu i shodno tome sačiniti Prijedlog sa rang listom pojedinačnih zahtjeva i sa predloženim iznosima novčanih sredstava za dodjelu.

Federalni ministar energije, rudarstva i industrije će na osnovu dostavljenog Prijedloga rang liste pojedinačnih projekata sa dodijeljenim iznosima novčanih sredstava od strane Komisije, uputiti Prijedlog odluke Vladi Federacije Bosne i Hercegovine o davanju prethodne saglasnosti na pojedinačna rješenja korisnika kreditnih sredstava.

Komisija će nakon isteka roka, po raspisanom Javnom pozivu, sačiniti Prijedlog rang liste podnesenih zahtjeva za dodjelu sredstava iz tačke 6. podtačka 2. ovog Programa i putem Ministarstva Prijedlog odluke o odobrenim zahtjevima dostaviti Vladi Federacije Bosne i Hercegovine na prethodnu saglasnost.

Nakon što Vlada Federacije Bosne i Hercegovine donese odluku o izboru korisnika kreditnih sredstava i istu objavi u „Službenim novinama Federacije BiH“, Banka će sklopiti ugovor sa korisnicima sredstava (bez traženja dodatnog kolaterala i procjene rizika).

Sve odluke i rješenja se objavljuju u „Službenim novinama Federacije BiH“.

Banka će na osnovu donesenih i objavljenih odluka i rješenja vršiti ugovaranje sa korisnicima sredstava u skladu sa bankarskom procedurom.

Kreditna sredstva moraju biti obezbijeđena minimalno mjenicama Korisnika sredstava (dužnika) i mjenicama vlasnika Korisnika sredstava (u slučaju da 50% ili više vlasništva pripada jednom licu, osim za preduzeća u većinskom državnom vlasništvu).

12. POSLOVNI ODNOS IZMEĐU MINISTARSTVA I BANKE

Ministarstvo i Banka svoje poslovne odnose uredit će:

- Ugovorom o formiranju namjenskog depozita – sredstva za pozajmljivanje i Ugovorom o komisionim poslovima,
- Odlukom Vlade Federacije Bosne i Hercegovine o davanju prethodne saglasnosti za potpisivanje ugovora sa Bankom, i
- Odlukom Vlade Federacije Bosne i Hercegovine o realokaciji budžetskih sredstava na račun Union Banke d.d. Sarajevo.

13. KONTROLA UTROŠKA POZAJMLJENIH SREDSTAVA

Ministarstvo može imenovati Komisiju za kontrolu namjenskog utroška sredstava nezavisno od Banke, koja nadzire izvršavanje ugovorenih obaveza korisnika sredstava.

Komisija za kontrolu utroška, ukoliko se formira, dužna je sačiniti Izvještaj o utrošku sredstava za 2014. godinu i putem Ministarstva isti dostaviti Vladi Federacije Bosne i Hercegovine.

14. OBJAVLJIVANJE AKTA

Ministarstvo će ovaj program osim objave u „Službenim novinama Federacije BiH“ objaviti i na svojoj web stranici: www.fmeri.gov.ba